






第一〇九〇册

四庫全書

●上海古籍出版社

本冊目次

端	附	徂	孫	附	河
明		徠	明		南
			復		
			小		
集	錄	集	集	錄	集

宋蔡襄撰……………三三七	宋石介撰……………一八一	宋孫復撰……………一五七	宋尹洙撰……………一
--------------	--------------	--------------	------------

欽定四庫全書

集部
河南集卷一至五

詳校官侍郎臣李封

檢討臣何思鈞覆勘

總校官進士臣朱鈴

校對官中書臣劉源溥

謄錄監生臣李樹穀

欽定四庫全書

集部三

河南集

別集類二 宋

提要

臣等謹案河南集二十七卷宋尹洙撰洙字師魯河南人天聖二年進士授絳州正平主簿以薦為館閣校勘累遷右司諫知渭州兼領涇原路經畧公事以爭水浴城事徙慶州復為董士廉所訟貶崇信軍節度副使監均

欽定四庫全書

河南集

州酒稅卒事蹟具宋史本傳洙為人內剛外和能以義自守久歷邊塞灼知敵情凡所措置多有成效其沒也歐陽修為墓誌韓琦為墓表而范仲淹為序其集皆一代名賢蓋其氣節幹濟均有足重者至所為文章古峭勁潔繼柳開穆修之後一挽五季浮靡之習尤卓然可以自傳邵伯溫聞見錄稱錢維演守西都起雙桂樓建臨園驛命歐陽修及洙

記修文十餘言洙止用五百字修服其簡古

又稱修早工偶儷之文及官河南始得師魯

乃出韓退之之文與之學蓋修與師魯於文

雖不同而為古文則居師魯後也云云蓋有

宋古文修為巨擘而洙實開其先故所作具

有原本自修文盛行洙名轉為所掩宋之史

官遂謂洙才不足以望修殊非公論矣聞見

錄又稱修作五代史嘗約與洙分撰今集中

欽定四庫全書

河南集

五代春秋二卷紀事亦簡核有體應即其時

所作集凡二十七卷與宋史藝文志所載合

晁公武郡齋讀書志云二十卷者蓋傳寫之

脫漏其雙桂樓臨園驛記集中未載疑編錄

時其文已佚云乾隆四十六年六月恭校上

總纂官臣紀昀臣陸錫熊臣孫士毅

總校官臣陸費輝

河南集原序

子觀堯典舜歌而下文章之作醞醕迭變殆無窮乎惟

抑未揚本去鄭復雅左右聖人之道者難之近則唐貞

元元和之間韓退之之主盟于文而風雅最盛懿僖以

降寢及五代其體薄弱皇朝柳仲塗起而麾之髦俊率

從焉仲塗門人能師經探道有文於天下者多矣洎楊

大年以應用之才獨步當世學者刻詞鏤意以希髣髴

未暇及古也其甚者專事藻飾破碎大雅反謂古道不

欽定四庫全書

河南集

適於用廢而弗學者久之洛陽尹師魯少有高識不逐

時輩與穆伯長遊力為古文而師魯深於春秋故其文

謹嚴辭約而理精章奏疏議大見風采士林始聳慕焉

復得歐陽永叔從而振之由是天下之文一變而正是

大有功於道也其吾儒之盛歟師魯天聖二年登進士

第後中拔萃科從事於西都時洛守王文正沂公王文

康公繼加禮遇遂引薦於朝寘之文館尋以論事切直

貶監郢州市征後起為陝西經畧判官屢更邊任遷起

居舍人直龍圖閣知潞州以前守平涼日貸公食錢於將佐議者不以情復貶漢東節度副使歲餘監均州市征子方守南陽郡一旦師魯舛疾而來相見無一言家人問後事不答子即告之曰師魯之文行將與韓公雅圭歐陽永叔述之以貽後代君家雖貧當共捐俸以資之君其端心靖神無或後憂師魯舉手曰公言盡矣我不復云翌日往視之不復見傳言曰已別矣遂隱几而卒故人諸生聚而泣之且嘆其精明如是剛決如是死

欽定四庫全書

河南集

欽定四庫全書
河南集卷一
皇雅中篇
天監受命也自梁至於周兵難不息宋受命統一萬方
天監下民凡靡有定基武且仁祚厥真聖仁實懷徠武
以執競匪虐匪劉拯我大命自昔外禪曰經曰營令以
挾制政以陰傾帝初治兵志勤於征奄受神器匪謀而
成淮潞弗虔卒汙叛迹戎輅戒嚴皇威有赫彼寇虐民
吾勇其百殄厥渠魁貸其反側帝朝法宮左右宗公伎
夫碩士以雍以容爾居爾室爾工爾農既養既息惟天
子庸

宋 尹洙 撰

天監四章章八句

西師征蜀也

主用西征岷梁弗賓匪曰負固實交晉人予訓予誓念

我將臣正厥有罪無庸傷民矯矯虎士載摧其壁于嗟
孟侯亦果其策迎師而降靡抗鋒鏑豈獨身謀完是宗
國蜀都既平將臣失律此衆悍驕彼民危栗當塗咷
合萬為一匪懷則威帝心是恤帝曰將臣子嘉乃庸廢
命毒民爾弗有終邦典用疑惟罪惟功靡殛而削協于
厥中帝曰孟侯受封于楚淑旂珣戈備物異數俾爾族
姻乃及文武服在王庭靡不有序蜀民呼歌天子威靈
保我者封暴我者刑匪功是私匪弱是陵天子惠民疇
敢不承

欽定四庫全書

河南集
卷一

西師六章章八句

者武受俘也命將伐南海平金陵俘二王以獻
者定武功時惟二方淮服其又海南遂荒孰孱而盤孰
暴而獨自底不諂乃終滅亡帝戒二俘同即爾誅惟民
無辜休息是圖時其輯矣寧威獨夫帝嗟汙邦久罹于
兵或暴下以征或數虐以刑予命中典協于國經民服
德音室家以寧

者武三章二章八句一章六句

憲古令守臣也削其附庸以强帝室焉

帝懷永圖治古是憲四方守臣惟屏惟翰在昔艱難弗
惠訓典跨都連城高牙以建有士有民肆乃征繕以息
以容終焉叛渙凡今帥臣徂厥聞見匪草亂原曷清多
難帝告庶邦式是典彝元侯顯父威臣宗支正乃封圻
予一人是毗凡曰附城罔爾卑之畜兵厚賦靡爾得私
毋凶而國作福作威天子有命疇敢不祇子孫承承唯
萬世規

欽定四庫全書

河南集
卷一

憲古二章章十六句

大鹵王師討晉罪也

冀州之疆粵惟大鹵俗悞而專地扼而固協比幽都蕩
搖邊圉三垂既夷兇威弗沮帝御六師百萬饒虎剪其
附庸至于城下鋒鏑始交梯衝如舞秦爾孱王請附降
虜我士奮揚願究吾武皇帝曰吁念彼黎庶匪鯨匪鯢
復為王土晉郊既平九區以寧陳功太廟告假威靈在

昔武王于商觀兵維我藝祖亦勤于征匪貸晉罪侯厥
賈盈聖作聖繼巍巍祖承皇矣二后功莫與京

大鹵二章一章二十二句一章十四句

帝籍修故典也躬耕以勸農焉

帝籍于郊典儀具陳務農以訓供祀以勤勤祀在誠匪
勤于人訓農以實匪勤以文帝慎二物乃躬乃親公侯
卿士暨厥庶民千旬有制飭哉惟帝養高年式宴且
喜種種黃髮族立而議我生艱難暴亂以繼耳徂金鼓
欽定四庫全書
河內集
卷一
四

日狎戎器皇其我圖親講農事有子有孫力田孝悌鼓
舞至仁薰焉如醉

帝籍二章一章十四句

庶工任賢也

帝咨庶工疇其輔予俊乂以登厥勞乃圖匪忘舊勲非
賢勿俞巍巍臺台盛德以居任賢伊何昌言是庸勉告
爾職罔恤迺躬豈無捐辭悌于予衷予不爾疵爾無面
從始時從官戎容揚揚今帝左右儒冠煌煌朝廷以尊

文物典章得人之盛奕世重光

庶工三章一章八句

帝制北方諸盟也

帝制萬邦罔有弗賓蠻夷戎狄羈而勿臣威格三方播
頌獻珍單于草心願交使人帝謀公卿列侯庶老咸曰
彼心暴戾陰狡既擾我疆復利吾寶無若勵兵襲其還
道皇曰有衆予實念茲戰無必勝矧其歸師借曰大獲
疇能盡之益俾餘孽毒吾朔陲乃俞其盟北州以綏在
欽定四庫全書
河內集
卷一
五

漢世宗抗威北戎暴農算商經用不充中土震駭漢南
始空降及後世猶稱厥功於穆聖考德無與偕匪勤于
兵北人遂來遠是三紀遠裕以懷生民休息嗚呼仁哉
帝制五章四章一章十句

皇治慎刑也帝仁于用刑在位者以寬恤為用焉

皇底其治欽哉惟刑在疑而宥罔察為明愛怒弗肆孰
為重輕毋一勿辜惟典之平前世理官倚法以刻匪彼
為仇蓋曰任職今之蔽獄務正其辟鑒乎前人繫我仁

德皇德在仁寢而成風公侯卿士靡不率從麟卯萌生
咸保厥終不鄙不隘樂哉融融

皇治三章章八句

太平封祀告成功也

噫噫太平無象兮世烏得而知維威德可迹兮其封祀
之儀東岱宗兮西汾睢禮上靈兮靈地祇皇有征兮吾
民以嬉皇有祈兮吾民以私天數佑兮俾皇之釐永世
寧兮無疆之基

欽定四庫全書

河南集
卷一

六

太平一章八句

雜體詩

贈三鄉浮屠知聰一首

伊昔相逢日於今二十年師隨安樂住我豈利名牽自
笑真徒爾何如養浩然西門女几路未得賦歸田

和人過韓柱國廟一首

隋氏一宇內三將皆勇夫賀公活以累楊素死有誅賢
哉韓柱國身與功名俱廟食垂後世祀典誠有諸荒忽

臨終言遂此感庸愚

過興平哭耿諫議喪呈經畧韓密學

去年使旆西征日一見稱君膽氣豪始信推心待國士
能令視死如鴻毛從來投筆輕文吏自此橫尸貴爾曹
槐里今朝逢輅旒依然舊館一長號

舟次壽州寄濠州江均少卿

雨漲灘頭沙已空一帆西上快清風誰知去郡遲遲意
猶逐淮波日夜東

欽定四庫全書

河南集
卷一

七

和河東施待制二首

已成沈約難并恨且奉陶公有限盃感事傷春多少意
星星漸入鬢中來

又一首

千里觀風使節來百城舒慘繫行臺威嚴少霽猶知幸
誰信芳樽鎮日開

隨州聞劉易入終南山

神驥渴死追無蹤離婁眩目迷虛空九衢惟游尚故處

一日忽在終南峰附勢趨權徒擾擾生歌死哭何念念
人間萬事既罷了莫教聲譽過關東

欽定四庫全書

河南集
卷一

河南集卷一

欽定四庫全書

河南集卷二

宋 尹洙 撰

雜議九篇

叙燕

戰國世燕最弱二漢叛臣持燕挾匈奴蔑能自固以公
孫伯珪之強卒制于袁氏獨慕容垂乘石虎亂乃并趙
雖勝敗異術大概論其強弱燕不能加趙趙魏一則燕固
不敵唐三盜連衡百餘年北寇未嘗越燕侵趙魏是燕
獨能支敵也自燕入於契丹日益熾大顯德世雖復三
開尚未盡燕南北國初契丹始與并合勢益張然止命偏
師備塞王師伐蜀伐吳泰然不以兩河為顧是趙魏足以
制契丹明矣并寇既平患天下銳專力於敵不能擴尺
寸地頃嘗以百萬衆駐趙魏訖敵退莫敢抗世多咎其
不戰然我衆負城有內顧心戰必不勝不勝則事咎矣
故不戰未嘗咎也原其弊在兵不分設兵分為三壁於

欽定四庫全書

河南集
卷二

爭地犄角以疑其勢設覆以待其進邊壘素固毆民以守之俾其兵頓堅城之下乘間夾擊無不勝矣蓋兵不分有六弊使敵蓄勇以待戰無他支梧一也我衆則士

怠二也前世善將兵者必問幾何今以中才盡主之三大衆儻北彼遂長驅無復顧忌四也重兵一屬根本虛弱纖人易以干說五也雖委大柄不無疑貳復命貴臣監督進退皆由中御失於應變六也兵分則盡易其弊是有六利也勝敗兵家常勢悉內以擊外失則舉所

欽定四庫全書

河南集

三

有以弃之苻堅淝水哥舒翰潼關是也是制敵在謀不在衆以趙魏燕南益以山西民足以守兵足以戰分而帥之將得專制就使偏師挫衄它衆尚奮詎能繫國安危哉故師覆于外而根本不搖者善政也昔者六國各有地千里師敗於秦散而復振幾百戰猶未及其都守國之固也陳勝項梁舉關東之衆朝敗而夕滅新造之勢也以天下之廣謀其國不若千里之固而襲新造之勢傲幸於一戰庸非惑哉兵既久弭士大夫誦習謂百世不

復用非甚妄者不誣然兵果廢則已儻後世復用之鑒此可以悟世主故述其勝敗云

息戍

國家割棄朔方西師不出三十年而亭徽千里環重兵以戍之雖種落屢擾即時輯定然屯戍之費亦已甚矣西戎為寇遠自周世西漢先零東漢燒當晉氏羌唐充髮歷朝侵軼為國劇患與師定律皆有成功而勞敝中國東漢尤甚費用常以億計孝安世先叛十四年用二

欽定四庫全書

河南集

三

百四十億永和京復經七年用八十餘億及後明周義五十四億而剪滅殆盡今西北四帥秦原即寧夏戍卒十餘萬一卒歲給無慮二萬時平典兄卒校其中心者總自靈武罷兵計費六百餘億方前世數倍矣平世屯戍且猶若是後雖無他警不可一日輟去是十萬衆有益而無損期也國家厚利募商入粟傾四方之貨然無水漕之運所輓致亦不過被邊數郡爾歲不常登康有常給頃年亦嘗稍置矣儻其乘我薦饑我必濟師饋饟當

出於關中則未戰而西邊已困可不慮哉為今之計莫

若籍丁民為兵擬唐置府頗損其數唐上府十二百人中府十人下府八

百料京兆西北數郡上戶可十餘萬中家半之當得兵

六七萬今邊郡有其制然拉塞數今即民籍家火不足備敵質其賦無他易賦以

古不易以五教畜馬者又蠲其雜徭民幸于庀宗樂於隸籍農

隙講事登材武者為什長隊正盛秋句閱常若寇至以

關內河東勁兵傳之盡罷京師禁旅慎簡守帥分其統

專其任分統則兵不重專任則將益勵堅其守備習其

欽定四庫全書

河南集

形勢積粟多教士銳使虜衆無隙可窺不戰而懾兵志

所謂無恃其不來恃吾有以待之其廟勝之策乎

述享

宗廟世數先儒論之甚詳歷朝頗以七世為允此不復

議然郡國建廟及陵寢之制可得概舉自漢世郡國始

立祖宗廟及從叔孫議增建原廟則京師祖廟有二若

夫陵寢之制則因秦氏而寢廣之古不兼祭秦皇起廟墓祠漢因之諸陵寢

皆以朔望二十四祭三伏社腊上飯後漢以正月車駕上原陵如朝會儀獨顯宗遺制無起

廡屋故張酺稱之曰顯節陵掃地露祭欲率天下以儉

也魏武高陵依漢立祭殿黃初三年詔罷之唐氏陵寢

頗循漢制永徽二年制獻陵三年之後唯景龍世特豐

昵廟景龍二年博士以諸陵日祭非古詔此後制唯

遠使巡陵武后朝每月四祭御史進貞觀式春秋仲月

居初乾陵冬至寒食遣外使忌日遣內使諸陵准貞觀

式至於西都行幸並建太室中宗後兩京宗廟四時俱

三一曰必有其廟時享之日以他官攝主四建廟主而

不祭皇與時巡則就享三曰存廟瘞主駕親東幸則歸

以往議不決而罷今舉漢唐之典迹其制度大率主

於隆而不主於殺也豈非篤孝思之意廣親親之恩乎

然觀夫先王之致孝也極乎配天盛乎禘祫致精明之

德躬裸獻之禮重之慎之盡夫至誠而已若乃歲日祭

於園寢委時享於下國雖美物備致而至誠不篤與夫

周頌所稱不其異哉

雷斷

漢史書元帝優游不斷為衰世之戒夫臨下御臣之柄

欽定四庫全書

河南集

五

亡周公忍親親之誅尼父行偽辯之戮漢主從輓輅之說審於己者聖審於人者明也商辛酷忠良之刑桓靈極黨錮之獄任於己者暴任於人者昏也是故天下感之我行之審於己也我感之正人莊士言而從之審於人也天下賢之我戮之任於己也我感之孽幸近習言而聽之任於人也與其斷而不審不若優游之愈也嗚呼聖或所不能暴或所不為若昏與明後世其鑒哉

原刑

欽定四庫全書

河南集
卷二

六

刑罰世輕世重其來尚矣降三代稱治莫盛有唐唐之憲令大較施於今不甚異而貞觀中天下斷死刑止數十其治至矣

貞觀四年天下斷死刑二十九人

國家兩河罷兵三十年

民力不罷仍歲豐稔而斷重辟歲過二千

天聖元年至三年或二千

傳死者率用恩貸昔帝無以尚此然斷獄煩簡何其遠

哉夫今之罪麗於死者貧十居九非貧不忌法蓋其自愛不篤也夫南畝之民儲一歲之備者十鮮一二其次

權錢富屋出倍稱之息其次質產入租及為人傭下乃轉徙他郡壯者隸兵弱者旬食不幸為盜賊窮矣今歲殺盜千數而為盜者十不一死是天下盜常數萬也遠惟徐樂憂天下之患可為深戒至若山澤之利古未權者復盡錮之矣故民輕於犯禁狙于變詐勢使然也國家盡地方籠物貨非以自奉顧用度廣爾今天下有承平之名而不減兵興之費雖欲輕斂弛禁亦未克也彼貞觀世四夷非素弱也警急非無備也文物制度非暫削也何德而及此亦御之有術而已今欲師貞觀之省刑莫若究其源其源在謹兵籍制經用而已夫兵食不浮國用不冗然後賦斂可輕山澤可弛人人自愛而重犯法也如不究其源雖曰下輕恤之詔察小大之獄欲犯者不究而期于刑省不其難哉

教學

今太學生徒博士授經發明章句究極義訓亦志於祿仕而已及其與郡國所貢士並校其術顧所得經義訖

欽定四庫全書

河南集
卷二

七

不一施反不若閭里誦習者則師道之不行宜矣若俾肄業太學者異其科試唯以明經為上第則承學之士孰不從於師氏哉議者欲郡設學校誠甚高論然天下業經以萬數而傳師學者百不一二不澄其源雖置之無益也又卿大夫家階賞典得仕者其年及程止校以章句為中格悉用補吏非志學者不能自勉故門選益衰世德罕嗣廢學故也周官師氏掌教國子蓋公卿大夫子也今祭酒實其任謂由門調者宜籍於師氏策以經義始得補吏優其高第勗其未至則學者益勸仕者能世其家矣

欽定四庫全書

河南集

八

矯察

國朝規唐制設登聞鼓四檢廣言事之路而憲防未著非以懲父誣誣敦勵忠讜也若乃譏切人主建明時政固上之欲聞也至於扶植隱過年微細利寧有補於政哉夫黜竊非以蔽聰外屏非以蔽明蓋任視聽不足盡乎聰明也前世君國者或喜聞外事任察為明有陳閭里

之事者嘉其無隱以為傾盡至其垢汙忠賢害莫甚焉是以鈎黨之鋼發於近習告密之獄起於廣聽緬鑒前事豈不根於微萌哉謂可申嚴著令凡人之隱隱非律所得言者罪之謀利有遺民者報罷則昌言日進而險說微幸者少微矣

考績

國朝考績之制自五品而下悉自上功狀有可程殿最覆奏以陞進之所以甄年勞而重祿賞也夫以庸制祿

欽定四庫全書

河南集

九

天朝之典也難進易退人臣之常也故上推其賞下競於讓官唯其才衆無覲心然後廉恥興行風俗敦厚也今臣下自紀績效以干賞典是則術鬻者被錄沉黙者稀遷奔競之風靡然成俗得不矯其弊哉按唐貞觀故事門下置具員以次補庶官未嘗人人自薦以希進用也建中三年中書上言貞觀故事常參官外官五品以上每有除拜中書門下當立簿書籍之具員取其年課以為選授此國之大經也今諸判史四考部中其居侍御史各兩考餘官各三考與轉給並准故事宜循其制申命有司自五品而下謹其官簿取歲月當遷者

籍其治行於朝而命之有司失舉與自上功狀者鈞其
罰庶乎爵賞之柄出於天朝貪冒之源少以懲文豈非
崇諫之一端乎

廣諫

昔舜命禹曰毋若丹朱傲周公戒成王曰毋若商王受
又曰小人怨汝詈汝則皇自敬德是則君臣道隆辭達
而已矣然禮有五諫聖人從諷者蓋為人臣言之也若
為人君言之雖聞怨詈亦將自儆不無益也或曰禹周
欽定四庫全書
公奚不諷曰中戒於未然雖激猶諷也陳事於已兆雖
諷猶辯也夫禹周公之為臣也欲其君克終厥戒俾後
世不見其過舉美德充乎無窮與夫違而弼之異矣嗟
乎後世以禹周公之道事君者庸非忠乎

河南集卷二

欽定四庫全書

河南集卷三

雜文七篇

宋 尹洙 撰

攻守策頭問耿傳一首

問西師之興幾一歲矣為守計則師無還期生耗廩粟
又邊稅所入不廣當有轉輸之勞若乘之以飢凶民困
於內兵久於外非策之善也遠惟前世深入之利近鑒
欽定四庫全書

河南集
卷三

至道之役豈謀今者不可參以古事將勝敗不繫於人
也然則攻與守必有一術焉為今計者當如何所論守
之害與計勝之說然則若云折李族擊其前大將繼而
乘之似未得宜何者二族壤地相遠雖俾俱進其戰地
戰日不能預制是有俱進之名其實不能合勢也彼若
置一族之衆縱之深入獨與一族之兵關則衆寡相絕
勝勢在彼矣彼既勝則深入者益孤吾之大軍復何乘
哉古有攻其所必救者虜之必救何地耶所謂吐蕃回

鵠者正合以敵國攻敵國義然今之哨廝頗得吐蕃故地猶見命於朝回鵠君長通子京師此二國驛親之使其自為攻計恐不能得其深効徒市虜自利耳若循唐至德故事使大將領之又虜且不從凡此皆當詳其說

憫忠

甚哉世人謀其身之周也山外之戰好水川姚家川戰地並在隴山外屬

平涼西去羊收諸將以力死明白不可欺皆被重創

亡其首或謂各失其計且不與其死噫趨利以違節度

欽定四庫全書

河內縣志

其失計信然經署制使韓公行達二月己丑至高平遇

是即監桑得為先鋒幹糧米觀繼之武英又次之任

福居從其夕宿三川賊已逃懷遠來南去翌日諸將由

懷遠戰其後西巡檢常內劉肅與賊戰於張家堡南

新兵自將以往其尸任福桑得為軍七好水川與賊接

相通期以明日會兵川口不使賊得逃去是時與賊自

賊四塞然其數少是以兵益進

其死也於已任福桑得遂賊捕好水川西去未至羊收

中數箭小校劉進勳福自免福四番為大將軍敗何以

苗生一死足以報國逆死之先是韓公呂渭川都監趙
津將凡乎騎軍二千二百為諸軍後繼是日及來觀武
英會兵于姚家川與賊戰賊合行營都監王玘自羊收
陰賊以也兵四千五百來陣于來觀陣而玘屢出略陣
陣堅不可破或英中傷不能視軍自午至申賊兵大至
衆而步軍潰散大奔王玘武英率軍自午至申賊兵大至
陳將李簡鎮我將軍李為年三川監軍劉均會元於陣
朱觀以餘衆千餘人保氏担槍夾四射會集賊引去觀
與任福戰處相去十五里玘王玘不相聞也始賊與官
軍遇大掠武英延川諸將戰死即以其少收軍去故山
外之民不甚被毒然諸將戰死以十六百指二忠義世
萬三百凡者六千餘人指揮軍校死者數十人

欽定四庫全書

河內縣志

則已當蹈之矣惡所以謀其身哉善謀其身者不然必

非之曰喪兵沮威雖死吾弗與然後享其富保其生為

無愧為身之謀豈不周乎寇讎在境師兵在行欲必生

以保功難乎哉嗚呼喪兵沮威以取死豈諸將心耶亦

不幸而已為國家言無使謀其身者終其幸死義者重

辨誣

山外之役參軍事耿傳在行傳以通判慶州參任福行

之逆行戰合虜騎益至或以傳文吏無軍責勸其避去